



Pranuar / Dorezuar Priljeno/Dodato Received/Delivery	21-01-2021	1	viti god year
Organ /Njësia Organ /Jedinica Org./Unit	Nr Prot Br Prot Prot No	Shtypja e Prilog Appendix	Sasia Kolicina Quantity
SKPM/SHCK	255/2021		114



Republika e Kosovës Republika Kosova-Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD FOR THE CIVIL SERVICE OF KOSOVA

A.nr.399/2020

Këshilli i Pavarur Mbikëqyrës për Shërbimin Civil të Kosovës - Kolegji për Shqyrtimin dhe Vendosjen e Ankesave i përbërë nga: Jeton Koca-kryetar, Eshref Shabani dhe Malsore Gashi-Bajraktari-anëtarë, dhe Ilire Mehmeti-Shaqiri Zyrtare e Lartë për Bashkëpunim Profesional, në cilësinë e procesmbajtëses, ka shqyrtuar ankesën me numër A.nr.399/2020 të datës 08.12.2020 të parashtruar nga ankuesit

si dhe të cilët me autorizim i përfaqëson Avokati me adresë Rr.“Dr. Bajram Krasniqi”, nr.7 në Podujevë, kundër organit të punësimit Komuna e Malishevës, në çështjen juridike “kompensim material”, duke vepruar në pajtim me nenin 6 paragrafin 1 nën paragrafin 1.1 dhe nenin 18 paragrafin 1 nën paragrafin 1.7 dhe 1.8 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës dhe Rregulloren Nr.02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim, të mbajtur më datën 19.01.2021, mori këtë:

V E N D I M

I. HEDHET poshtë si e pa lejuar ankesa me numër A.nr.399/2020 e datës 08.12.2020 e parashtruar nga ankuesit

II. Këshilli i Pavarur Mbikëqyrës për Shërbimin Civil të Kosovës, Shpallet jo kompetent për të vendosur lidhur me ankesën e ankuesit të parashtruar përmes ankesës A.nr.399/2020 të datës 08.12.2020.

A r s y e t i m

Ankuesit,

dhe që të gjithë punëtorë të Komunës së Malishevës, përmes përfaqësuesit të autorizuar Avokatit me datë 08.12.2020 përmes postës kanë parashtruar ankesë me numër protokoll 3007/2020 të regjistruar me numër A.nr.399/2020, në Këshillin e Pavarur Mbikëqyrës për Shërbimin Civil të Kosovës.

Këshilli i Pavarur Mbikëqyrës për Shërbimin Civil të Kosovës, bazuar në dispozitat e Rregullores Nr.02/2018 për Procedurën e Shqyrtimit dhe Vendosjen e Ankesave, më datë 14.12.2020 ka dërguar kërkesën për përgjigje në ankesë të Komuna e Malishevës, ndërsa me datë 29.12.2020, Këshilli ka pranuar përgjigje në ankesë nga Komuna e Malishevës, se bashku me shkresat e bashkangjitura të lëndës.

Kolegj për Shqyrtimin e Ankesave, për vërtetimin e plotë dhe të drejtë të gjendjes faktike, ka administruar këto prova: Ankesën me numër protokollit 3007/2020 të datës 08.12.2020 të regjistruar me numër A.nr.399/2020 në Këshillin e Pavarur Mbikëqyrës për Shërbimin Civil të Kosovës; Autorizimin e datës 18.02.2020; Listën me nënshkrim të punëtorëve të administratës së Komunës së Malishevës; Akt Emërimit e datës 11.01.2012 dhe ID identifikuese për P.A; Akt Emërimit e datës 11.02.2012 dhe ID identifikuese për D.A; Akt Emërimit e datës 11.01.2012 dhe ID identifikuese për A.M; Akt Emërimit e datës 01.11.2012 dhe ID identifikuese për A.Z; Akt Emërimit e datës 02.10.2012 dhe ID identifikuese për A.H; Akt Emërimit e datës 21.05.2019 dhe ID identifikuese për A.J; Akt Emërimit e datës 21.05.2019 dhe ID identifikuese për A.K; Akte Emërimit e datës 11.01.2012 dhe ID identifikuese për A.P; Akt Vendimin e datës 11.11.2019 për pensionin e ankuesit A.M si dhe ID identifikuese; Akt Emërimit e datës 21.05.219 dhe ID identifikuese për A.G; Kërkesën për përgjigje në ankesë me numër te protokollit 3135/2020 të datës 14.12.2020; Përgjigjen në ankesë me numër te protokollit 3329/2020 e datës 29.12.2020; Vendimin me Nr.01/1295 të datës 07.12.2020 për shpërblim të përvjetorit (jubile); Vendimin me Nr.01/1294/2020 të datës 07.12.2020; Vendimin me Nr.01/1293/2020 të datës 07.12.2020; Vendimin me Nr.01/1292/2020 të datës 07.12.2020; Vendimin me Nr.01/1290/2020 të datës 07.12.2020; Vendimin me Nr.01/1289/2020 të datës 07.12.2020; Vendimin me Nr.01/1291/2020 të datës 07.12.2020; Vendimin me Nr.01/1480 i datës 27.11.2019; Vendimin me Nr.01/1435 të datës 27.11.2019; Vendimin me Nr.01/1436 të datës 27.11.2019; Vendimin me Nr.01/1437 të datës 27.11.2019; Vendimin me Nr.01/1438 të datës 27.11.2019; Vendimin me Nr.01/1439 të datës 27.11.2019; Vendimin Nr.01/1440 të datës 27.11.2019; Vendimin me Nr.01/1441 të datës 27.11.2019; Vendimin me Numër 01/918 të datës 16.09.2020 të Komisionit për Zgjedhjen e Kontesteve dhe Ankesave; Ankesën e datës 30.06.2020 drejtuar Komisionit për Zgjedhjen e Kontesteve dhe Ankesave në Komunën e Malishevës; Vendimi Nr.02/464 të datës 02.12.2020;

Kolegji për Shqyrtimin e Ankesave pasi ka shqyrtuar shkresat e bashkangjitura të lëndës, të parashtruara nga palët, ka konstatuar se ankesa A.nr.399/2020 e datës 08.12.2020, e parashtruar nga ankuesit

e pa lejuar, sepse:

Ankuesit me datë 08.12.2020 kanë parashtruar ankesë në Këshillin e Pavarur Mbikëqyrës për Shërbimin Civil të Kosovës, me pretendimin që t'iu njihet e drejta për kompensimin e pagës së trembëdhjetë (13) për çdo vit kalendarik, në vlerën e pagës bazë, Pagesën përcjellëse me rastin e pensionimit në lartësi të tri pagave mujore; Pagesën për shpërblim jubilar; si dhe pagesën për ushqim ditor për ditët e pranisë në punë, duke u bazuar në dispozitat e Ligjit Nr.03/L-149 për Shërbimin Civil, Ligjit Nr.03/L-212 të Punës, si dhe Marrëveshjen e Përgjithshme Kolektive.

Kolegji për Shqyrtimin e Ankesave bazuar në shkresat e lëndës ka gjetur se ankuesit janë të punësuar në Komunën e Malishevës, të cilët me datë 18.02.2020 i janë drejtuar me kërkesë Drejtorisë për Buxhet dhe Financa si dhe Zyrës së Personelit në Komunën e Malishevës, për njohjen e të drejtave të pretenduara si në ankesë, por siç deklarojnë, asnjëherë nuk kanë pranuar

TUBI
VOSTA
11/2021

15/12/2020

ndonjë përgjigje lidhur me kërkesën e tyre. Ndërsa me datë 30.06.2020, ankuesit përmes përfaqësuesit të autorizuar Avokatit _____ kanë parashtruar ankesë, me bazë të njëjtë, në Komisionin për Zgjidhjen e Kontesteve dhe Ankesave të Komunës së Malishevës. Komisioni për Zgjidhjen e Kontesteve dhe Ankesave i Komunës së Malishevës më datë 16.09.2020 ka nxjerr Vendim me Nr.01/918 me të cilin është shpall jo kompetent për shqyrtimin e ankesës të ankuesve.

Kolegji për Shqyrtimin dhe Vendosjen e Ankesave, bazuar në nenin 50 paragrafi 1, dhe nenin 81 paragrafi 2 nën paragrafi 2.2 të Ligjit Nr.03/L-149 për Shërbimin Civil, i cili ka qenë i aplikueshëm deri me datë 09.07.2020, si dhe nenin 24 paragrafi 3 të Ligjit Nr.06/L-114 për Zyrarët Publikë, ka konstatuar se nëpunësi civil ka të drejtë të paraqesë ankesë në KPMSHC për çdo veprim apo mosveprim, që i cenon të drejtat apo interesat e ligjshme, të drejta këto, që burojnë nga marrëdhënia e Shërbimit Civil. Ndërsa Ligji Nr.05/L-031 për Procedurën e Përgjithshme Administrative, neni 127 përcakton se: 1. Ankesa duhet të parashtrohet brenda tridhjetë (30) ditëve nga data kur pala është njoftuar për aktin administrativ; 2. Ankesa kundrejt heshtjes administrative mund të parashtrohet jo më herët se shtatë (7) ditë dhe jo më vonë se dy (2) muaj pas skadimit të afatit për njoftimin e aktit administrativ.

Andaj, duke u bazuar në shkresat e lëndës, respektivisht deklarinimin e ankuesve se me datë 18.02.2020 i janë drejtuar me kërkesë Drejtorisë për Buxhet dhe Financa si dhe Zyrës së Personelit në Komunën e Malishevës, për njohjen e të drejtave të pretenduara si në ankesë, Ankesën e datës 30.06.2020 të parashtruar nga përfaqësuesi i autorizuar i ankuesve në Komisionin për Zgjidhjen e Kontesteve dhe Ankesave pran Komunës së Malishevës, si dhe Vendimin Nr.01/918 të Komisionit për Zgjidhjen e Kontesteve dhe Ankesave, me të cilin është shpall jo kompetent për shqyrtimin e ankesës të ankuesve, Kolegji për Shqyrtimin e Ankesave, vlerëson se ushtrimi i ankesës me datë 08.12.2020 në Këshillin e Pavarur Mbikëqyrës për Shërbimin Civil të Kosovës, është jashtë afatit ligjor të përcaktuar me nenin 127 të Ligjit Nr.05/L-031 për Procedurën e Përgjithshme Administrative.

Andaj, bazuar në këto rrethana, Kolegji për Shqyrtimin e Ankesave, duke u bazuar në nenin 129 paragrafi 1 nën paragrafi 1.3 të Ligjit Nr.05/L-031 për Procedurën e Përgjithshme Administrative, si dhe nenin 18 paragrafi 1 nën paragrafi 1.7 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës, vendosi si në piken 1 të këtij vendimi.

Ndërsa, lidhur me ankesën e ankuesit _____ Këshilli i Pavarur Mbikëqyrës i Shërbimit Civil të Kosovës, shpallet jo kompetent për të vendosur, *sepse*:

Kolegji për Shqyrtimin e Ankesave, duke i'u referuar shkresave të lëndës, respektivisht Akt Emërimit të datës 11.11.2012, ka konstatuar se ankuesi _____ në bazë të provave të lëndës mbanë pozitën e punës "Roje e Sigurisë së Objektivit", andaj i njëjtit nuk e ka statusin e nëpunësit civil, por statusin e nëpunësit administrativo-teknik - dhe mbështetës, siç parashihet me dispozitat e Ligjit Nr.06/L-114 për Zyrarët Publikë, përkatësisht nenit 2 paragrafit 6 ku përcaktohet se: *Nëpunës administrativo-teknik - dhe mbështetës është zyrtari publik, që kryen veprimtari ndihmëse, të mirëmbajtjes, ruajtjes, vozitjes, si dhe veprimtari të tjera të ngjashme në institucionet e administratës publike.*

Kolegji për shqyrtimin e ankesave vlerëson se edhe me dispozitat e Ligjit Nr.03/L-149 për Shërbimin Civil të Republikës së Kosovës, i cili ka qenë i aplikueshëm në kohën e themelimit të

marrëdhënies së punës të ankuesit, përkatësisht neni 4 paragrafi 4 ka përjashtuar personelin mbështetës nga Shërbimi Civil, duke përcaktuar se: *Personeli i punësuar nga institucionet e administratës në nivel qendror dhe komunal, përgjegjës për kryerjen e funksioneve mbështetëse dhe të mirëmbajtjes, nuk janë nëpunës civilë*, dhe si rrjedhojë Ministria e Administratës Publike me datë 08.12.2014 ka nxjerr Qarkoren Administrative, e cila ka përcaktuar se pozita e rojës se sigurimit hynë në kuadër të pozitave të punës me funksione mbështetëse, dhe ka obliguar institucionet publike që marrëdhënia e tyre të punës ta rregullojnë sipas dispozitave të Ligjit të Punës.

Andaj, duke u bazuar në nenin 6 paragrafi 1 nën paragrafi 1.1 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, ku përcaktohet se Këshilli është kompetent për të vendosur vetëm për nëpunësit civil dhe kandidatet për praninë në Shërbimin civil, Kolegji për Shqyrtimin e Ankesave, pas analizimit dhe vlerësimit të të gjitha shkresave të lëndës si dhe duke u bazuar në kompetencën e Këshillit, vendosi si në piken 2 të këtij Vendimi.

Vendimi hyn në fuqi në ditën e nënshkrimit nga Kryetari i Kolegjit.

Këshillë juridike: Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në Gjykatën Themelore në Prishtinë/Departamenti për Çështje Administrative, brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij vendimi.

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS

Lënda me numër A.nr.399/2020


Ilire Mehmeti-Shaqiri
Procesmbajtës


Jeton Koca
Kryetar i Kolegjit

Vendimi i dërgohet:

- Përfaqësuesit të autorizuar të ankuesve, Avokatit
- Kryetarit të Komunës së Malishevës;
- Udhëheqësit të Personelit në Komunën e Malishevë ;
- Arkivit të KPMSHCK-së